

VP Schmidt se sastao sa predsjedavajućim Predsjedništva BiH Bećirovićem: Podrška euroatlantskoj integraciji BiH



Visoki predstavnik Christian Schmidt sastao se danas s predsjedavajućim Predsjedništva BiH Denisom Bećirovićem, s kojim je razgovarao o aktualnim političkim događanjima i reformskim naporima koje poduzimaju organi vlasti Bosne i Hercegovine u cilju unapređenja euroatlantske integracije BiH.

Visoki predstavnik naglasio je značaj predstojećeg sastanka Vijeća EU, uz nadu da će Vijeće podržati otvaranje pristupnih pregovora sa BiH. Ovo bi bila ključna šansa za BiH i njene građane.

„Bosna i Hercegovina treba nastaviti s provedbom konkretnih reformi u kontekstu implementacije Daytonškoga sporazuma, kao i u kontekstu EU integracija. Ova dva procesa su komplementarna i međusobno se ne isključuju. Svaki pokušaj usporavanja reformi ili nepoštivanja Dejtonškoga mirovnog sporazuma usmjeren je protiv oba ova procesa i jasan je znak nepostojanja opredjeljenja za provedbu reformi ili angažmana usmjerenog ka prosperitetnoj budućnosti ove zemlje“, rekao je

visoki predstavnik.